

吳文節公遺集

吳文節公遺集卷三十一目錄

奏議

恭報到任摺

兩省防堵情形片

勦捕竄入滇境粵匪摺

黔省防堵情形片

滇省防堵情形摺

勦辦滬甸滋事匪徒摺

黔省防堵情形片

吳文節公遺集卷三十一

男養原謹編

奏議

恭報到任摺

奏爲恭報徵臣接印日期叩謝

天恩仰祈

聖鑒事竊臣樗櫟庸材學識謗陋蒙

皇上逾格恩施陞授雲貴總督卽遵奉

硃諭趨詣

闕廷仰求

聖訓於正月二十七日到京遞摺請

安荷蒙

召見旋承

恩賞

紫禁城內騎馬叨荷

鴻施莫名悚感旣復迭蒙

召對十一次仰惟我

皇上諮詢之周詳

訓誨之諄切本

勵精圖治之心擴

明目達聰之量卽詢事以考言期釐工而熙績臣服膺欽感悚惕彌深

陛辭時復蒙我

皇上諄誨提撕知臣之待人以誠而勗臣以察僞鑒臣之任事稍急而誠臣以愛身此尤臣所慄切書紳時加警省者也茲臣於四月二十九日行抵滇省准兼署督臣張亮基將雲貴總督關防並

王命旗牌文卷等項移交前來臣卽恭設香案望

閹叩頭祇領任事伏思總督兼轄兩省雲貴境多苗彝兵制邊防最關緊要其他察吏安民鹽課廠務在在均

須悉心考究次第料理臣惟有勉益加勉凡事行之以實持之以恒以冀稍酬

高厚鴻慈於萬一所有舊接印視事日期除另疏

題報外理合繕摺恭謝

天恩伏乞

皇上聖鑒謹

奏咸豐元年四月三十日奏奉

硃批汝之有謀有猷濟之以張亮基能持能斷和力同心則滇省之吏治民風自可漸臻淳樸朕將拭目待之此旨與張亮基同看欽此

兩省防堵情形片

再現在廣西賊匪尙未肅清所有雲貴兩省交界地方  
防堵事宜業經黔撫臣喬用遷前督臣程矞采密爲布  
置復經兼署督臣張亮基以堅壁清野之法通飭各屬  
因地制宜仿照辦理臣自入黔境沿途查詢現在各邊  
界地方絕無賊匪竄入民情極爲安貼惟賊勢聚散靡  
常防範不容稍懈現值粵西大兵雲集一經攻勦得手  
難保該匪等不狼奔豕突竄逸求生臣查黔省南一面  
全與廣西交界如黎平古州都勻各屬與廣西之柳州  
潯州等處接壤貴陽府所屬之定番州興義府所屬之

貞豐州興義縣均與廣西之泗城等處接壤中隔小江一道邊境多係苗寨臣過貴陽時暗撫臣喬用遷知現

已將渡江小船全行封禁苗寨亦責成頭人嚴行約束

免致勾結其沿邊鎮協各營兵力已足敷用仍飭令各

文員履練協防以期嚴密至滇省曲靖府所屬之羅平

州與廣西之西隆州等處接壤廣南府則東南北三面

均與廣西之鎮安思恩西隆等府州接壤廣西直隸州

所屬之師宗邱北二縣與廣西之西隆州西林縣等處

接壤查現在粵省大股賊匪多踞潯郴上游而另股零

匪時出沒於鎮安泗城思恩等府地方尤須加意嚴防

前經兼署督

臣張亮基遴委准升廣西直隸州知州丁

楚玉前赴廣南府及師宗邱北等縣查辦堅壁聯莊之

法臣現復嚴檄通飭兩省沿邊文武各員加紧提防不

准絲毫鬆勁並專札責成黔省原派辦理防堵之貴東

道周作楫滇省現派查辦防堵之廣西州知州丁楚玉

隨地隨時親厯察辦務期聲勢壯盛絕賊匪奔竄掠食

之心俾粵省大兵得以聚而殲旃儻竟有逸匪竄入務

卽隨時捕獲盡法懲治或賊來較多卽當會合兵練痛

加斬殺以勦爲堵不得稍分畛域致滋延蔓臣仍隨時

與兩省撫臣商酌相機辦理總期疆圉靜謐間里安恬

以仰紓

聖主眷懷南服之至意所有現在防堵情形理合附片奏

聞伏乞

聖鑒訓示謹

奏咸豐元年四月三十日奏奉

硃批知道了欽此

勦捕竄入滇境粵匪摺

奏爲粵西賊匪竄入滇省廣南府境當經兵練勦捕潰逃並現在各屬防堵安靜情形恭摺奏

聞仰祈

聖鑒事竊臣等接據各屬稟報差探廣西省鎮安府歸順州兩處現有大股賊匪盤踞侵擾勢甚猖獗卽經批檄迭飭文武加意防堵勿稍鬆勁臣等伏查廣南府迤東迤南均與鎮安歸順二府州接壤其迤北又與粵省之西林縣接壤三面插入粵省山蹊僻境處處可通最爲喫重臣張亮基前曾以堅壁清野之法刊示通飭各屬妥辦務令各村各寨通力合作互相保衛臣吳文鎔抵任後復經加札嚴飭並飭各地方官添雇練勇激勵土目寨民戶出壯丁自相團練在案現在鎮安歸順兩

處賊匪並無一人竄入滇境民情安謐如常惟廣南府  
迤北一帶與粵省西林縣接壤突於四月二十四日有  
西林縣賊匪二百餘人帶有槍礮火藥刀械竄入距廣  
南府城一百五十餘里之者孟上下兩寨地方搶掠食  
物幸該寨業經備有民練立時號召數百人並附近派  
撥防堵八柴隘口之弁兵練勇等得信趕至四面圍擊  
該匪等仍敢持械抗拒經兵練槍礮齊施當場格斃十  
八名生擒五名奪獲鳥槍三桿火藥一桶標杆二十五  
把餘匪潰逃兵練直前追殺至附近西林縣之溪邊該  
匪紛紛棄水脫逃其時正值雨後山水漲發復溺斃無

算餘仍逃回西林縣境所有者孟兩寨尙未被其蹂躪  
居民現仍安堵據署廣南府知府劉禧督同署寶甯  
縣知縣張樹種稟報前來並據訊聞現犯陸三黃順泯  
張涿周梁矣民王奉等口供僉供廣西西林縣人係已  
被格斃之黎三爲首聚有二百餘人在西林縣已搶擄  
數次今路過廣南府因人衆乏食掠取村寨食物經民  
練兵勇圍拏各人一齊持械拒捕等情不諱當經臣等  
批飭再行根究夥黨並與粵省之另股賊匪是否有合  
一之處馳稟核辦一面委員齎持

令箭交署廣南府劉禧祖於審明後卽將該犯陸三黃

順泯張沐周梁矣民王奉等五名押赴竄擾地方正法並戮取已被格斃之黎三等十八犯首級一併梟示以快人心而作士氣除飛咨

欽差大臣及廣西撫臣飛飭鎮安歸順西林等府州縣文武痛加勦捕外謹恭摺奏

聞伏乞

皇上聖鑒再滇省廣西州所屬之師宗邱北各縣暨曲靖府之羅平平彝等州縣現在並無粵匪竄入臣等仍不時嚴飭文武不准一刻疎懈又臣等訪聞邱北一帶夷齒之黑沙人春間曾有竄入粵省邊界搶掠之事旋

卽回曹臣等現亦嚴飭地方文武將出外滋搶夷匪嚴  
擎痛懲並責成各曹頭人嚴加管束不准一人復出滋  
事以杜勾結至廣南府三面界粵前已兩次調撥各營  
精兵三百名前往防堵第恐地廣兵單一時策應不及  
臣等現復商酌再調省標精兵三百名委署督標中軍  
副將豐伸署督標右營遊擊陳得功管帶前往添撥緊  
要各隘以資策應合併陳明謹

奏咸豐元年五月二十二日奏奉

硃批另有旨欽此

黔省防堵情形片

再黔省防堵事宜

臣吳文鎔前經

奏明責令原派辦理防堵之貴東道周作楫就近督率嚴切提撕查黔省下游各府州多與粵西之柳潯相通現在雲貴赴粵官兵均由此一路經過地方均極安靜上游之興義府等處界連粵省現據該文武等探稟亦均無匪徒竄入民情安堵如常臣仍隨時隨事會商撫臣喬用遷嚴飭該委員及文武等刻刻嚴防不得苟安目前稍弛准備理合附片奏慰

宸廑伏乞

聖鑒謹

奏咸豐元年五月二十二日奏奉

硃批知道了欽此

滇省防堵情形摺

奏爲恭報滇省近日防堵情形並派練勇赴粵界協防殺賊數名生擒一名搜獲偽示等件緣由恭摺奏祈

聖鑒事竊

臣

等因滇省廣南一府三面插入粵省東南

兩面與粵省之鎮安府歸順州貼近該處現有喜勝堂

大勝堂兩股賊匪散屯該府州城外防堵最爲喫重而

堅壁清野之法尤爲緊要節經督飭委員等飛速趕辦

茲據委辦防堵事宜廣西州知州丁楚玉稟稱廣南府

迤南迤東袤延三百餘里處處與粵之鎮安歸順二府州及鎮安廳聯界現在已督同漢土員弁將所有臨邊通行險要各隘口築成九關或因山爲塹或鏟土成崖外面俱成數十丈陡壁內築矮牆建設卡房瞭篷派撥兵練暨飭土司撥夫分駐防守各關相距二三十里五六十里不等聲息相通有警可資策應又據署廣南府知府劉禧祖委員廣西州知州丁楚玉稟稱探聞大勝堂賊匪盤踞歸順州數十里之龍林墟果樂墟等處分股搶掠而由果樂墟歷馬烈龍河那旺等墟卽直抵滇省之畢村墟計程不過一百二十里刻刻戒嚴並稱

隴河等墟民人向該府該委員處投遞公呈因彼處鄉  
練單少求撥兵練協防當經該府該委員等派撥練勇  
六百餘名逕赴粵界相機堵勦於五月十八日抵隴河  
墟卽拏獲賊探葉亞月一名二十二日又進至馬烈墟  
距果樂賊巢僅十餘里據險以守至二十四夜賊匪焚  
燒果樂村寨全股向龍林墟退去練勇得信趕往砍斃  
腰插令旗賊目一名另賊二名搜獲僞示二張火藥二  
礮將首級暨生擒之賊解回廣南府之畢村墟該委員  
等訊據葉亞月供稱大勝堂賊頭姓潘三十多歲出門  
騎馬共百一十多分住龍林果樂二處命伊來隴河

帶探看路逕卽被擊獲的等語經該委員等開具供

臣

並將搜獲各物一併稟報前來

臣

等查看紅布小旗

一編正寫大勝堂令四字僞示二張文理多不通順大

約係逼勒良民供其糧草銀錢免遭殺戮之意當經

臣

等批令將現犯葉亞月就地正法並所解首級一併懸

竿示衆以昭炯戒仍嚴飭該府暨委員等督同文武員

弁加緊嚴防儻粵省大兵進剿賊勢窮竄卽相度機宜

派撥兵練無分畛域逕赴粵界協力會剿以期迅殲醜

類間里獲安所有築關防堵及獲賊緣由謹恭摺奏

聞伏乞

皇上聖鑒再師宗邱北羅平等州縣現在距賊較遠  
臣等仍嚴飭該文武刻刻嚴防不得以賊遠稍懈致有疎  
虞合併陳明謹

奏咸豐元年六月二十日奏奉

硃批知道了欽此

勦辦撫甸滋事匪徒摺

奏爲永昌邊外匪徒圖開礦廠糾眾焚掠村寨抗拒官兵殺斃練勇現經拏獲首要多犯審明分別定擬將情重要犯遵照

奏定章程卽行就地正法以彰炯戒邊境均已安謐恭

摺奏祈

聖鑒事竊照永昌府屬灣甸土知州地方上年因該土司族人景星景八等謀奪土地糾衆滋擾經前任督

臣

程裔采嚴飭文武派撥兵練在內地隘口堵緝加派兵練督飭該土司景慶久集練攻勦旋經殲斃生擒首要多犯地方肅清奏結在案其逃逸各犯雖經嚴飭地方文武隨時偵緝而該匪等多逃至外域野夷地方傭工偷活莫可究詰往往遇事生風恣爲不法道光三十年十二月間有在逃之回匪龍學藝稔知灣甸土知州所轄之猛崗夷地向有銀廠與順甯府屬邊地毗連因遠

處邊外恐滋事端久經封禁該回匪龍學藝希圖奪地  
開廠聚集不逞之徒肆行滋擾焚掠村寨抗拒官兵經  
前任督臣程裔采接據稟報飛飭該管池西道並永昌  
府協及騰越鎮順甯府協派撥兵練相機妥辦復經池  
西道王發越親赴永昌商令該管文武督率員弁兵練  
分投堵緝一面檄飭土司集練痛勦當經殲獲首夥多  
名稟經臣張亮基於兼署總督任內飭令研審確情錄  
供詳辦並令嚴拏餘匪究報臣吳文鎔於抵任後卽經  
嚴飭該管文武督同該土州盡數搜拏不准稍留萌孽  
隨據先後拏獲抗拒官兵及隨同滋事匪犯共五十三

名邊地均已安謐將所獲各犯訊供稟報批飭覆審解道勘辦去後茲據迤西道王發越轉據各該府等將各犯解勘由該道親審按擬具招咨送署雲南按察司鹽法道史致蕃會同布政司徐有壬核議具詳前來臣等覆加確核緣龍學藝等係雲南陝西江西貴州四川等省漢回民人均在雲南永昌府邊外夷境傭工道光三十年十二月間龍學藝因知永昌府屬灣甸土知州所轄之猛嵩夷地原有銀廠經官封禁起意糾人奪踞開挖恐土司及官兵查禁必先焚搶佔地以便隨時抗拒密向素識已獲之楊岩保馬正品陳四毛牛陳錫金田

聰已被殲斃之孫小老張五徐大潤伍洪法汪沛琳在逃之朱二商謀楊岩保等貪利用言慾惠龍學藝囑令協力相助並令代爲糾人楊岩保等允從隨與龍學藝分頭糾邀逼脅約共二百餘人於二十日齊抵蠻安地方維時龍學藝染受瘴氣不能偕行令其子龍五與楊岩保等率衆前往猛崗焚燒村寨搶掠得賊致斃夷民男婦多命乘勢佔踞康廟關廟該土州景慶久聞信集練堵擊龍五等率衆抵禦互有殺傷報經永昌府彭崧毓順甯府嚴廷珏會營轉稟批飭派撥兵練相機妥辦並因腹裡姚關與夷地相近恐被蔓延檄委熟悉邊務

之普廳塘經歷陞用知縣周錫桐馳往駐紮督令該土  
州帶練進剿該道因恐遷延時日卽乘巡閱之便親赴  
永昌會同該署協孝順商令接署府梁金詔暨順甯府  
縣添雇練勇並札飭土司奮力攻勦一面派委文武員  
弁多帶兵練分投堵緝咸豐元年二月初五日該匪等  
撲攻土司營盤致斃練勇數命當經練勇將孫小老轟  
斃並槍傷朱二龍五二人該匪等一併退入關廟該土  
司連日帶練進攻該匪等由牆內放槍抵抗負固不出  
亦斃練勇數人四月初十日夜陳四毛牛陳錫金與徐  
大潤伍洪法等帶領夥匪百餘人欲往附近村寨劫掠

糧食經委員周錫査知密飭土司挑選勁練會同提  
標外委劉廣督標効力武舉丁錫恩前詣菖蒲塘埋伏  
十一日該匪等踵至衆練齊出該匪等抵死衝突傷斃  
練勇數人劉廣等督練奮力攻擊槍礮齊施殺斃夥匪  
四十餘人斬獲首級十六顆生擒陳四毛牛等五名餘  
匪往青龍山逃竄又經委員順甯縣典史胡錦堂等督  
練堵擊槍斃徐大潤伍洪法二名餘匪中傷跌岩身死  
者甚多生擒彭正法等六名隨飭土司帶練圍攻關廟  
二十三日田聰與張五汪沛淋等因無糧食率衆夤夜  
奔逃被練勇知覺圍擊槍斃張五一名夥匪多人因值

驟雨該匪等乘間逃走練勇跟踪追至安瀋寨地方田聰汪沛淋帶領衆人踅回迎敵殺斃練勇一人時值署永昌協中軍都司謝芳蘭防堵山後帶兵抄出前後來攻汪沛淋等併力奪路該署都司施放鳥槍中傷汪沛淋身死兵練亦殺斃夥匪三十餘人生擒李潰等二名餘俱四路逃竄旋經各該文武先後拏獲多名起獲匪械槍刀矛桿等件飭令現獲各犯指認孫小老等五名被殲首級屬實當卽懸竿示衆此龍學藝圖奪厥地糾衆焚掠村寨抗拒官兵傷斃練勇之原委也並究出該犯龍學藝楊岩保馬正品周經哈喇旺馬生六馬阿益

姚慎滙先於道光二十六年間聽從前經殲斃之張富在雲緬抗拒官兵致斃練勇自一命至三命不等以上各情經該道府等逐一究明由兩司核議具詳臣等覆

加查核此外並無另有不法重情案無遁飾查律載凡謀叛但共謀者不分首從皆斬等語此案龍學藝以內地回民輒敢圖奪邊外土司禁廠且當糾衆之時卽蓄意焚搶佔地抗拒官兵以致夥匪疊次焚掠抗拒傷斃多命實屬情同叛逆該犯雖未同行究屬首惡應與聽糾滋事下手傷斃練勇夷民一二命之楊岩保馬正品陳四毛牛陳錫金田聰周經哈慎旺馬生六馬阿益姚

懊濬柘洪法劉二李小老張萬春張受唐小四孔滿五  
李小淋彭正法鄧小沅李金潰馬么大金么大劉沅劉  
真潰陳老么宋小四彭有幅劉玉劉有才伍順灤趙保  
四李潰李春法小法淋鄭沅趙小老等三十八犯均請  
照謀叛不分首從皆斬律擬斬立決從重加擬梟示查  
該犯龍學藝楊岩保馬正品周經哈懊旺馬生六馬阿  
益姚懊濬尙有在雲緬聽糾滋事抗拒官兵殺斃練丁  
一案情罪與此案相等業經擬以斬梟請免重科以上  
各犯除龍學藝姚懊濬李金潰馬么大金么大小法淋  
鄭沅等七犯均各帶病進監身故仍戮屍梟示外餘俱

情罪重大未便稍稽顯戮應請遵照

奏定章程恭請

王命卽行正法傳首犯事地方懸竿示衆以昭炯戒案  
係比照辦理家屬應免緣坐財產亦免入官羅小保楊  
小二楊來生張金理王樞明李小五李俸鳴趙起閑吳  
起富楊之從馬小淋楊小三李秀淋董小二尹小六等  
十五犯被脅服役雖未隨同焚掠抗拒究屬濟惡均請  
於謀叛斬罪上量減一等擬發新疆給官兵爲奴馬小  
淋楊小三係屬回民照例調發各犯應刺字者照例刺  
字應追贓者仍行著追孫小老張五徐大潤伍洪法汪

沛淋等五名均聽糾滋事焚掠抗拒實屬不法業已當  
場斬獲首級懸竿示衆應毋庸議龍學藝等係帶病進  
監身故禁醫人等訊無凌虐及悞用方藥情事亦毋庸  
議監斃職名併免查叅未獲餘匪仍飭嚴緝務獲究辦  
以淨根株而安邊境殲斃各屍飭令保山縣分別驗明  
殮埋起獲匪械銷燬變解該處廠地仍行封禁寨內被  
擾逃散夷民現已招回復業焚燒房屋亦經該土州酌  
加撫卹傷亡練丁容飭查明另行咨部照例請卹所有  
此次支發兵練鹽糧爲數無多由永昌府暨順寧府縣  
自行捐辦免其造冊報銷除全案供招咨部查核並獲

犯員弁分別首先協獲飭查明白正行咨部照例請敘  
外謹將獲犯審明定擬並將情重各犯就地正法緣由  
恭摺具

奏伏祈

皇上聖鑒勅部核覆施行謹

奏咸豐元年六月二十日奏奉

硃批刑部議奏欽此

黔省防堵情形片

再現在粵省武宣東鄉之賊已竄往象州古城一帶距  
黔境較遠臣吳文鎔恐黔省沿邊文武因賊勢去遠稍

萌懈怠卽經加札嚴飭委員貴東道周作楫督同文武特加振作時凜戒心旣恐粵省大兵進剿賊匪折回逃竄入境尤恐零星奸細溷跡潛滋務須嚴密偵巡不得絲毫鬆勁並咨會撫臣喬用遷一體飭遵理合附片奏聞伏乞

聖鑒謹

奏咸豐元年六月二十日奏奉

硃批知道了欽此

吳文節公遺集卷二十二目錄

奏議

兵練殲擒粵匪摺

審擬恩茅滋事匪徒摺

雇練赴粵摺

委員接辦防堵片

拏辦文山縣儂匪摺

殲擒剝隘土匪片

吳文節公遺集卷三十二

男養原謹編

奏議

兵練殲擒粵匪摺

奏爲委員帶練赴粵省邊界各墟堵捕賊匪並演境防守弁兵兩次擊斃賊匪多名生擒二名緣由恭摺

奏祈

聖鑒事、竊照粵匪之大勝堂等股於六月初竄至鎮安府之容勞龍林果樂等墟焚劫滋擾漸次逼近廣南府之畢街等處經委員廣西州知州丁楚玉於六月十一

日率同卸署普廳塘經歷許濂管帶練勇七百餘名由  
滇省之畢街徑赴與界之瀘河壩相機堵勦督令瀘河  
等墟寨民亦層層築關設險爲堅壁清野之計並令該  
經歷許濂管帶練勇數百名逐步移營由瀘河壩向南  
前進歷過粵境之小照陽關龍林壩安德壩直抵容勞  
壩大勝堂賊巢詎該賊匪等先期聞風逸去容勞壩現  
已無賊查該處北距滇境已三百餘里其歷過各墟前  
此逃避之寨民現亦紛紛搬回復業該委員丁楚玉率  
同該經歷許濂督帶練勇仍回駐瀘河畢街一帶俟粵  
省大兵進剿再行相機聲援合擊至容勞壩逸出之賊

有仍向南奔往鎮安府城一帶者亦有逃向西北至滇  
粵邊界與交趾接壤之處者卽經飭令各關堡弁兵加  
意嚴防旋據署廣南府知府劉禧祖委員廣西州知州  
丁楚玉稟稱六月十八日傍晚經駐防竜洋關之千總  
柯鳳藻聞有賊匪多人向關後繞越卽督帶兵丁施放  
槍礮擊斃四五人時已昏黑賊亦暫退而附近駐防鐵  
臘關之把總李紹盤得信帶兵連夜趕至策應十九日  
天明協同追捕復用槍礮擊斃賊匪九名餘賊皆翻山  
逃向交趾邊界遠去又六月二十日經駐防上野關之  
額外張鶴齡並委巡蘇莞那達等關之把總沙春藻一

同巡緝至粵省鎮安廳邊界瞭見賊匪一百餘人行向交趾大尖山口一路而來該弁等卽旁伏箐林俟其將至迎頭施放槍礮擊斃賊匪十數名餘亦翻山向交趾邊界逸去並生擒賊目張高五一名搜獲身帶大勝堂先鋒印牌生擒散賊陳有耀一名奪獲小旗一桿藤牌一面刀矛十三件張高五一犯解至中途因傷身死割取首級並現犯陳有耀一名解經委員等訊據陳有耀供係粵西天保縣人投大勝堂入夥隨同焚掠張高五是湖廣人在大勝堂做先鋒伊等因聞滇省有大兵赴粵會剿分起欲往邊外藏頓不防經過此地打敗被捉

等供錄供稟報前來臣等當卽批令將陳有耀一犯就地正法並戮取傷斃擊斃各賊首級一併於各關口懸竿示衆以昭炯戒並飭嚴督各員弁兵練仍須加緊巡防不准絲毫疎懈除咨呈

欽差大臣暨廣西撫臣查照外理合恭摺奏

聞伏乞

皇上聖鑒再署廣南府普廳塘經歷候補經歷許濂前次督築各關堡極爲認真嗣飭督帶民練土練該員能同其甘苦各練均悅服用命五月間據報聞訃臣憂等因該經歷正資得力檄飭暫緩回籍卽在軍前守制

幫辦堵勦事宜在案合併陳明謹

奏咸豐元年七月十九日奏奉

硃批知道了欽此

審擬思茅滋事匪徒摺

奏爲續獲思茅邊外滋事逸匪審明分別定擬並將情  
重各犯遵照章程恭請

王命卽行就地正法以昭炯戒恭摺

奏祈

聖鑒事竊查雲南普洱府屬之思茅廳邊外已革車里  
宣慰土司刀繩武之子刀準臣由遷徙地方逃回勾結

野狹遊匪攻掠車里現襲土司刀正綜倉卒潛逃經猛  
弁集練堵擊抵格刀準臣落江斃命夥黨藉言報復滋  
擾近甲地方戕害巡防員弁兵役經前督臣程矞采疊  
經調派官兵殲擒首要多名嗣又續獲逸匪李開沅等  
暨酌議一切善後事宜先後分別

奏報在案現在該宣慰土司刀正綜業已回江地方靖  
謐第餘匪猶有竄匿臣等仍飭該處文武隨時嚴密搜  
捕毋使稍滋萌孽旋據普洱府知府李熙齡署思茅同  
知侯晟署思茅右營遊擊呂飛鵬督率巡防員弁兵役  
暨該土司練勇先後拏獲匪犯余舒汰余連生李潔張

顯發李瑤董添明自保楊保段旺陳世詳李發藻十二  
名訊取確供稟報當經批飭解由廸南道勘辦去後復  
據報該犯自保楊保先後帶病進監身故又經批飭驗  
訊歸案彙辦在案茲據署廸南道吉廉提犯審擬具招  
咨送兼署雲南臬司史致蕃藩司徐有壬核議具詳前  
來臣等會同覆加確核緣該犯余舒汰等係雲南四川  
漢夷民人均在雲南思茅廳沿邊土境傭工度日先未  
爲匪道光三十年四月間有前經殲斃之刀準臣總叭  
王帽相李兆詳張大貢寫票集練向各猛滋鬧該犯余  
舒汰余連生李灤張顯發先後聽糾前往二十五日行

至相近甲地之猛旺金家灣地方適遇官兵練勇堵截  
王幘相等起意拒敵余舒汰等允從隨同上前抗拒余  
舒汰殺害兵丁夷練共二命余連生李潔各斃兵練一  
命張顯發未經傷人五月間該犯李瑤董添明聞知王  
幘相等在大樹腳紮營糾夥拒敵官兵聽糾前往幫助  
董添明復代爲糾人探聽官兵消息六月初九日與官  
兵打仗李瑤在場助勢未經傷人董添明看守匪營王  
幘相等復逼脅該犯自保楊保段旺入夥令其服役又  
該犯陳世詳李發藻曾各容留張大貢名下匪練二名  
在家住宿以上各情經該道府等研究明確此外尙無

不法重情案無遁飾查律載謀叛但共謀者不分首從皆斬又例載諸色軍民窩藏強盜二名以上發近邊充軍各等語此案余舒汰等聽糾滋鬧抗拒官兵殺斃兵練一工命不等實屬情同叛逆自應比律問擬余舒汰余連生李灤三犯均請照謀叛不分首從皆斬律擬斬立決從重加擬臬示張顯發李瑞董添明三犯或隨同拒敵在場助勢或代爲糾人探聽消息卽屬同謀均請照謀叛但其謀者不分首從皆斬律擬斬立決該犯等俱情罪重大漏網已久未便再稽顯戮臣等核明後卽遵照

奏定辦理廻西匪徒章程檄飭廻南道會同普洱鎮恭請

王命將該犯余舒汰等鄉赴市曹卽行正法應梟示者傳首犯事地方懸竿示衆以昭炯戒案係比照辦理家屬應免緣坐財產亦免入官自保楊保段旺三犯訊係被脅入夥受雇服役雖未隨同拒敵究屬濟惡均請於謀叛斬罪上量減一等擬發新疆給官兵爲奴陳世詳李發藻二犯容留匪練已至二名均請照諸色軍民窩藏強盜二名以上發近邊充軍例發近邊充軍自保楊保業已在監病故應毋庸議餘俱照例刺字分別發遣

發配折責安置王嶠相等所許自保等工錢係屬虛贓  
請免着追自保等帶病進監身故禁醫人等訊無凌虐  
及誤用方藥情事亦毋庸議監斃職名並免查叅未獲  
逸匪仍飭該處文武隨時嚴緝務期盡絕根株以肅邊  
境除備錄供冊咨部外所有續獲逸匪審明分別定擬  
並情重各犯就地正法緣由臣等合詞恭摺具

奏伏乞

皇上聖鑒勅部核覆施行謹

奏咸豐元年八月二十七日奏奉

硃批刑部議奏欽此

雇練赴粵摺

奏爲准咨雇練委員帶赴興西南甯府地方聽候調遣  
協勦賊匪恭摺奏

聞仰祈

聖鑒事竊臣等於七月二十五日接准

欽差大臣賽尙阿會同廣西巡撫臣鄒鳴鶴咨稱據藩  
司勞崇光稟稱本司奉

奏派勦賊現在南太一帶股匪實繁兵力稍單且他省  
官兵撤往必多不服水土恐難得力訪聞雲南沙人儂  
人勇敢善鬪可稱勁旅並聞有現署雲南開化府文山

縣知縣劉邵高人甚勇往請移咨飭雇沙勇儂勇三千  
名卽飭劉邵高管帶兼程來粵協勦等因咨會到臣等  
臣等查沙人儂人豺狼野性言語不通但嗜殺而並不  
善關平日散布各曹猶須時時嚴責頭人拘之寨中勿  
令逸出爲匪若用以勦賊不獨難資約束且恐貽誤事  
機惟臨安開廣各屬土民性耐烟瘴人亦勇壯結實現  
在滇省各邊界防堵亦多雇用此輩頗屬得力是以臣  
等詳細商酌卽經飛飭文山建水等縣趕緊雇募土練  
民練汰去老弱及游民不可靠之人或三千名急切雇  
不足數卽一二千名亦可務期精壯得力迅速就道並

恐劉邵高一人不敷管帶復札飭前經

奏明現駐廣南府辦理防堵事宜之廣西州知州丁楚玉分投管帶練勇赴粵協勦於省標暨臨安各營酌量撥借擡礮鳥槍火藥等項應用仍酌派佐雜二員武弁二人隨同委員丁楚玉劉邵高分起行走以資管束一面札飭藩司籌備銀六千兩分交該委員等帶爲途次練勇口糧之需去後茲據委員丁楚玉劉邵高先後稟稱奉札後已趕緊分投招募練勇挑選精壯每人或帶一千名或帶五六百名儘挑儘雇齊後卽日起程逕赴南甯府勞藩司行營投候調遣等情前來除飛咨

欽差大臣暨廣西撫臣查照外所有准咨雇練委員帶赴粵督協勦緣由臣等謹合詞恭摺具

奏伏乞

皇上聖鑒諱

奏咸豐元年八月二十七日奏奉

硃批知道了欽此

委員接辦防堵片

再滇省鄰粵邊界現在賊蹤較遠均屬安堵如常臣等仍不時嚴飭在事文武加意巡警不准鬆勁至廣南地方最爲緊要現在駐彼辦理防堵之委員丁楚玉已派

令帶練赴粵協勦因查有陸涼州知州馬宏圖人極勇  
往有爲堪以接辦卽經札飭馳赴廣南會同該署府劉  
禧祖和衷商辦隨時親厯各隘嚴督弁兵練勇等勤操  
演謹偵探以期有備無患理合附片陳明伏乞  
聖鑒謹

奏咸豐元年八月二十七日奏奉  
硃批知道了欽此

拏辦文山縣儂匪摺

奏爲文山縣儂匪造謠滋事督飭該縣營卽日撲滅將  
首夥各犯悉獲懲辦現在地方靜謐恭摺

奏祈

聖鑒事竊查雲南開化府文山縣地處迤東極邊界連交趾外域境邈山深夷多漢少中有儂人一種最爲狡悍不馴其較黠者粗識漢字尤爲兇狡平日多以劫殺爲生必隨時嚴拏痛懲始稍知畏懼歛戢本年五月間開化府城廂忽浮言四起謂儂匪聚衆斂錢約日入城滋事民心惶惶羣思移家遠避該署開化鎮福陞署開化府張恩溥暨署文山縣劉邵高密稟到臣等臣等飛飭該縣會營酌帶兵練不動聲色密速撲捕勿使滋蔓並將開化鎮營調往廣南防堵之弁兵一百名飛檄撤

聞該署縣發稟後卽一面改裝微行訪得距城數十里之江那地方有妄寫傳牌之儂匪李開甲分遣夥黨傳知各夷寨科歛錢文糾人焚劫其傳牌內膽敢妄寫訂期躡平開化城殺漢不殺夷等語該署縣卽連夜先派幹役密飭江那縣丞翟怡曾汎弁楊慶選添派兵役出其不意速行掩捕旋於五月二十八日將妄寫傳牌之李開甲並遞送傳牌之黃小三三名拏獲搜獲傳牌一紙護解到縣經該署縣劉邵高連日熬審據李開甲供稱因聞廣西省賊匪滋事已殺到西林縣現在開化營兵亦多派往別處防堵城中兵少可以趁此糾人打劫

錢財寫了傳牌八張捏稱儂老爺傳知字樣以便煽惑各寨易於糾人正要多寫幾張派人分往安平馬白等處遍傳不料二十八日卽被兵役拏獲實止寫得八張歛得錢十餘千文所糾夥黨因爲日無多亦止糾得十餘人並據供出代爲遞送傳牌歛錢糾人之夥黨係黃小三王小砌王老賓普小三張小掌王四李老建鄒廷言等八名聽糾幫助之夥黨係權老發李小八楊開科楊開榜陸小大張小年儂小亦郎沈小三等八名均係各寨有名頭子臨時還可以轉約多人一呼卽到的等供提訊黃小三供亦相同據經開具供摺稟報到臣等

臣等當卽飛飭將供出之逆犯迅速全行弋獲以靖根株該署縣劉邵高卽商同把總馬祥汝帶兵四十名差練一百餘名馳往江那駐劄偵探該匪等蹤跡均已潛竄各寨山箐岩洞四散伏匿設法購線密捕於六月十五日該署縣劉邵高會同把總馬祥汝親帶兵練在新寨山箐中搜拏詎該匪張小掌持矛抗拒刺傷該署縣右手腕該署縣卽用佩刀格開傷未深重旋經練總劉連城趕上格折該匪右臂登時將張小掌擒獲並拏獲王小硼王老賓普小三等三犯又於二十一日探知白石巖寨後洞中有匪藏匿並藏有火銃器械該署縣劉

邵高卽商同把總馬祥汝汎弁楊慶選各帶兵練於二十二日黎明潛抵白石巖寨該匪等施放火銃執持刀矛奔下拒捕把總楊慶選連放擡礮轟斃鄒廷言儂小亦郎二犯卽有該匪五人持械奪路由後面奔逃被預伏之兵練攢刺擊斃又匪四人持械直衝前面思逃該署縣等立飭兵役圍殺該匪三名生擒李老建一名並奪獲火銃刀矛等件訊據李老建供認代李開甲遞送傳牌歛錢糾人現因官兵圍拏與鄒廷言等十一人商量欲逃一齊持械喊殺拒捕等情不詳並據當場指認由後路奔逃被兵練刺斃各屍係李小八陸小大楊開

科楊開榜王四五犯由前路衝出被殺各屍係張小年  
沈小三權老發三犯該署縣卽押帶李老建並王小礮  
王老賓普小三等旋回江那而李老建亦在途因傷身  
死該署縣查明李開甲所供逆犯均經先後格斃生擒  
全數就獲卽於江那地方繕發告示分貼各寨曉以李  
開甲等罪大惡極現已悉數就擒盡法懲辦各夷民萬  
勿愚而無知再爲匪徒所惑剴切曉示去訖現在浮言  
已息夷漢相安地方均極靜謐開具全案供摺稟由該  
府道移據署臬司史致藩會同藩司徐有壬核議詳請  
具

奏前來臣等查滇省邊疆漢夷雜處若非遇案嚴辦不足以懲頑獢而靖地方此案儂匪李開甲等性本豺狼情同化外膽敢因鄰省賊匪未靖乘機欲圖滋事或起意造謠惑眾或代爲遞送傳牌歛錢糾夥或聽糾幫同助惡甚至官兵查拏猶敢拒捕傷官均屬罪大惡極應卽比照謀叛但共謀者不分首從皆斬律擬斬立決從重加以梟示案係比照辦理家屬應免緣坐財產亦免入官除鄒廷言儂小亦郎李老建李小八陸小大楊開科楊開榜王四張小年沈小三權老發已當塲格斃及因傷病斃飭卽戮取首級於江那總要地方懸竿示衆

其李開甲黃小三王小礪王老賓普小三張小掌六犯  
臣等亦卽遵照

奏定章程批飭就近稟明開化鎮

臣恭請

王令鄉赴江那地方梟首示衆以警兇頑以昭震懾至  
該署文山縣劉邵高一聞浮言卽密商營汎酌帶兵練  
駐劄江那月餘設法購線將案內首從各犯全數弋獲  
俾地方不至受害辦理尙爲安速惟係本任應辦之事  
不敢濫請

獎敘現在該員已准

欽差大臣暨廣西撫

臣

咨調帶練赴粵協劖土匪經

臣

等

奏明在案業已卹事臣等仍嚴飭接署縣馮峻不可因  
此案甫經懲創稍涉大意仍當隨時留心查察務俾匪  
徒歛戢閭里父安除將全案供招咨部備核外所有查  
辦造謠滋事儂匪緣由理合恭摺奏

聞伏乞

皇上聖鑒謹

奏咸豐元年閏八月二十五日奏奉

硃批另有旨欽此

鐵淦剝監土匪片

再滇省各屬邊界防堵情形現俱安謐廣南府東南一  
帶與粵西鎮安府歸順州毘連現在賊蹤雖已去遠各  
關隘防守兵練仍飭隨時探巡未令解嚴其廣南府迤  
北剝隘地方與粵西之百色一水相通前聞百色下游  
時有土匪出沒聚集多人沿河攔搶客商貨物等事卽  
經迭飭該府會營加意偵防勿任侵擾茲事茲據該署  
府劉禧祖會同署廣南營叅將明慶帶兵防堵之署督  
標中軍副將豐伸等稟稱八月二十三日據剝溢汎弁  
等飛稟滇界內者意寨賴也灘箐林中有賊數十人藏  
匿據有火槍器械當卽飭令弁兵練勇馳往帶同者意

寨民練百餘人四面圍拏賊匪且拒且逃經兵練施放火槍擊斃三人帶傷二人由崖落水者數人餘賊翻山奔回粵界天已昏黑未能窮追奪獲標杆五根長刀二把小尖刀三把並在箐林中搜獲米飯數袋鑼鍋什物等件擒獲帶傷蘇阿籠黃阿薰二犯訊據供稱均係粵西泗城府人經潘阿一黃阿第糾約入夥來至廣南府屬之者意寨賴也灘地方等候來往貨船搶劫錢物分用尙未搶著不料卽被兵練拏獲等供臣等查此等零星土匪雖與粵西之大股賊匪有間然當此賊氛未靖膽敢乘機聚眾四出伺劫難保日久不與股匪相聯當

經批令該府等訊明嚴行懲辦旋據稟稱蘇阿籠黃阿  
薰俱已因傷身故應毋庸議臣等仍嚴飭該府該將等  
隨時嚴密防範毋稍鬆勁並偵捕潘阿一黃阿第等務  
獲究懲勿使漏網現在地方均安堵如常行旅貨船河  
道亦無阻滯理合附片奏

聞伏乞

聖鑒謹

奏咸豐元年閏八月二十五日奏奉

硃批知道了欽此

吳文節公遺集卷三十三目錄

奏議

撥解火藥並續雇演練赴粵摺

准咨停雇演練片

拏辦永昌夷匪片

拏辦粵匪摺

嚴懲黔省盜風片

拏辦沙儂各匪摺

吳文節公遺集卷二十三

男養原謹編

奏議

撥解火藥並續雇演練赴粵摺

奏爲准咨撥解火藥鉛丸火繩並續雇演練委員管帶  
赴粵協勦緣由恭摺

奏祈

聖鑒事竊臣等於九月初一日准

欽差大臣賽尙阿暨廣西撫臣鄒鳴鶴咨稱現在各官  
兵分路勦捕賊匪火藥一項最關緊要尙須預事寬籌

庶免臨時貽誤調撥雲南省火藥二萬觔配足鉛子火繩委員星速馳解來粵以濟急需等因

臣等當卽札飭

督撫二標中軍及城守營叅將於省標六營儲備加功

火藥項下共湊二萬觔鉛丸一萬觔火繩六千盤趕緊

製備箇箋木箱繩損等具遴委妥弁刻日押解起程並

行司籌款發給爲器具盤川之需加委文員一路管解

以昭慎重茲據該營將等稟報前項火藥等件勻分三

起行走已於二十日掃數出境由貴州省古州下船逕

赴桂林交卸又

臣

等於九月初三日准

欽差大臣賽尙阿廣西撫

臣

鄒鳴鶴會咨稱西省另設

逆匪經官兵勦竄永安尙肆抗拒亟應添調兵勇上緊  
撰除咨令滇省於前雇士練二千名之外再爲添雇一  
千名遴委幹員管帶來粵赴永安一帶交投以資協勦

等因

臣

等查省城左近人多柔脆向來無可雇之練巡

西各屬道路太遠恐致耽延時日惟迤南臨安各屬尙  
可雇覓當查有署廣通縣事因公在省之候補縣朱慶  
椿籍隸廣西在雲南曾經帶練捕勦盜匪才具幹練卽  
經札飭該貞星赴臨安挑雇精練一千名赴粵一面檄  
行藩司籌撥銀四千兩發交該員帶往爲雇練經費並  
恐朱慶椿一人不敷管帶查有現駐廣南府防堵之署

督標遊擊陳得功歷次打仗殺賊人極勇敢且籍隸邱  
北於池南一帶情形最熟履練較易卽經飛札飭令該  
遊擊由廣南趕回臨安會商朱慶椿挑足練勇一千名  
卽日分帶起程由臨安趨至黔省古州下船徑赴粵西  
永安大營聽候調遣以期迅速除飛咨

欽差大臣廣西撫臣查照外所有撥解火藥等項及續  
雇練勇委員帶赴粵西協勦緣由謹恭摺具

奏伏祈

皇上聖鑒謹

奏咸豐元年九月二十五日奏奉

硃批知道了欽此

准咨停雇演練片

再臣等於九月初三日接准

欽差大臣賽尙阿會同廣西撫臣鄒鳴鶴咨會續雇雲

南土練一千名委員帶赴粵西永安州一帶交投以資

協勦等因臣等當卽札委署廣通縣知縣朱慶椿署督

標遊擊陳得功酌帶經費銀兩馳詣臨安各屬分投雇

覓並恭摺奏

聞在案嗣據該委員等稟報分遣弁丁酌加雇價四路  
購募期於精壯適用臣等正在催令挑募足數卽日分

起管帶馳赴粵西聽調茲於本月十四日復准

欽差大臣賽尙阿暨廣西撫

臣

鄒鳴鶴咨稱逆匪竄踞

永安官兵連次獲勝州城雖未克復賊勢已形窮蹙續

募廣東潮勇計日可到兵勇堪敷調遣前咨續調雲南

土練一千名應毋庸雇募等因到

臣

等除卽飛札該委

員朱慶椿等無論現抵何處卽將已雇之練全行辭退

安業外所有粵西軍營續調演練一千名准咨停雇緣

由理合附片奏

聞伏乞

聖鑒謹

奏咸豐元年十月二十二日奏奉

硃批知道了欽此

摺辦永昌夷匪片

奏爲永昌等處邊外夷匪糾衆焚掠村寨抗拒官兵殺  
戮無赦勇現經拏獲首要多犯審明分別定擬將情重各  
犯遵照

奏定章程卽行就地正法以昭炯戒邊境咸就肅清恭  
摺奏祈

聖鑒事竊照雲南永昌府屬保山縣麗江府屬麗江縣  
大理府屬雲龍州均係地處極邊界外嚴險路歧別有

各種野夷不歸土司管轄雜居山谷性多獵悍先年每多乘虛出沒搶擄漢村是以於邊界登埂魯掌卯照六庫老窩上江各處分設土弁用資捍禦該匪於偏僻村區雖間有乘機搶奪之事隨時嚴拏懲辦不致大爲邊患詎道光三十年十二月間有猓匪黑阿撒起意糾衆焚搶擄人股練抗拒官兵邊寨遭其蹂躪經前任督臣程矞采接據稟報飛飭該管迤西道及大理永昌麗江騰越各府廳暨各鎮協派撥兵練分布沿邊隘口相機堵拏並飭各土司集練痛勦復調派明光隘土守備左大雄帶練前往率領土司各練卒入搜捕以資懲創臣

張亮基於四月間覆奏左大雄未克赴粵緣由曾將現在查辦匪匪情形聲明在案臣吳文鎔抵任後卽查案疊飭該管文武加派兵練嚴催該土備及各土司厚集練丁痛加勦捕迅速嚴事隨據陸續稟報迭次接仗當場殲斃匪犯約七百餘名並先後生擒首夥各犯共五十七名餘匪均追竄至極西雪山以外荒遠地方邊境臣吳謐將所獲各犯訊供稟報經臣等批飭覆審解應勦辦去後茲據巡西道王發越親提各犯勘訊按擬具招咨送署雲南按察司鹽法道史致蕃會同布政司徐有壬核議具詳前來臣等復加確核緣黑阿撒等係

永昌麗江雲龍等府州所屬土司邊外野夷向俱種山  
打獵爲生道光三十年十一月間黑阿撒探知沿邊各  
夷寨富足起意糾人佔奪搶擄有兵練堵拏卽齊心抗  
拒密向素識已獲之拉匾拉備恒妹姑阿子扒怒扒奶  
黑阿戛已被殲斃之苴四喇在逃之旺江來曉濟扒商  
謀拉匾等允從並允代爲糾人隨分頭糾邀逼脅約共  
一千餘人於十二月內分往魯掌卯照登埂沿邊各寨  
燒搶致斃夷民多命擄去男婦丁口百餘人牛馬糧食  
衣物不記數目所掠人口役使伐薪擔水欲令夷民出  
銀取贖各該土司聞信報經道府飭令督練堵拏該匪

等出而抵禦殺斃土練多人並將卯照土舍段德仁拒  
傷斃命經永昌府彭崧毓會營稟報批令督飭土弁迅  
進勦捕該府未及辦竣卸事接署府梁金詔到任因該  
處界連麗江雲龍各土司所屬恐該匪等乘虛竄越稟  
道飛飭該府州縣轉督各土司協力勦辦嗣據保山縣  
屬土巡捕楊有典帶練前往捕拏生擒黑阿戛等三名  
殲斃夥匪一百餘人割獲耳記十二付又據雲龍州屬  
六庫老窩土司生擒夥匪二名殲斃五十餘人復經迤  
西道稟報札調久歷戎行之騰越明光隘土守備左大  
雄督同各土司帶練進勦該匪等聞知亦糾聚多人在

打竹的駐紮抗拒咸豐元年五月十六日該土備率同各土司督練往剿該匪等拒斃練勇數人經練丁奮力圍攻生擒首夥多名殲斃夥匪一百餘人滚箐落澗身死者甚多餘匪退入打竹的巢寨抵死拒守土備左大雄帶同各練連日進攻設法雕勦槍礮齊施計轟斃夥匪一百餘人斬獲首級二十餘顆割獲耳記二十二副生擒恆妹等多名搜獲被擄男婦三十一丁口牛馬什物無數查點練丁亦爲該匪藥弩傷斃數人當將匪巢焚燬餘匪四散潰逃復嘯至松登地方屯聚其時正值瘴氣盛行土備左大雄帶練於山坡支搭草棚嚴棲野

宿鹽糧亦將不繼經署永昌府梁金詔率同署保山縣周錫桐捐購糧米數百石運往接濟該府深恐遷延時日卽委保山縣周錫桐會同署永昌協都司賀朝嵒前往邊界督辦於七月二十日左大雄率同各土司練丁前至松登地方撲捕槍礮轟斃夥匪三十餘人餘仍退回巢峒用擂石拒守該土備縱火焚燒各匪冒煙冲出恃其剽悍迎殺練勇數人衆練奮力攻擊生擒夥匪十數名槍斃二百餘人奪獲弓弩器械多件於匪巢內搜獲被擄男婦一百二十餘丁口牛馬什物多件該匪等竄至下怕地方又經該寨頭人將苴四刺格斃割取首

級並生擒姑阿子扒等五名一併呈獻餘匪復逃至麗江蘭州界外經該縣督同土目王精一率練堵拏殺斃夥匪多人生擒害如等五名所餘夥匪無多經左大雄等直追至雪山徼外始返飭令現獲各犯指認苴四喇首級屬實同前獲各首級於邊界懸竿梟示左大雄撤練回隘周錫桐押帶各犯回城隨同該府訊取各供解由巡西道逐一勘明移經兩司核議具詳請

奏到臣等臣等復加查核此外並無另有不法重情所殺之人並非一家案無遁飾查律載凡謀叛但共謀者不分首從皆斬若犯罪負固不服拒敵官兵者以謀叛

已行諭又例載土蠻仇殺劫擄所犯係死罪將本犯正  
法家口遷徙如係軍流等罪將本犯照例枷責仍同家  
口一併遷徙各等語此案黑阿撒起意糾同拉圖等聚  
集多人搶掠邊寨拒斃夷民男婦自一命至五命不等  
並據捉丁口冀圖勒贖迨經官練勦捕猶敢負固糾衆  
拒敵傷斃練勇實屬梗頑不法自應照例問擬黑阿撒  
等五十犯均請照犯罪負固不服拒敵官兵者以謀叛  
已行諭凡謀叛但共謀者不分首從皆斬律擬斬立決  
從重加擬梟示除黑阿撒等二十二犯均先後帶病帶  
傷進監身故仍戮屍梟示外餘俱情罪重大未便稍稽

顯戮應請遵照

奏定章程恭請

王命卽行正法傳首犯事地方懸竿曉示以昭炯戒案  
係比照辦理家屬應免緣坐財產亦免入官仍盡土蠻  
犯事本法查明有無家口分別遷徙卡卜拉勾是阿奈  
肯然彌茶花扒羅則喇三等七犯被脅服役雖未隨同  
焚搶抗拒究屬濟惡均請於謀叛斬罪上量減一等擬  
發新疆給官兵爲奴係土蠻除枷責外查明有無家口  
照例遷徙以上各犯應刺字者照例刺字應追贓者仍  
行著追查四喇聽從糾匪搶擄抗拒實屬不法業經格

斃梟示請免再議黑阿撒等帶病帶傷進監身故禁醫人等訊無凌虐及誤用方藥情事亦無庸議監斃職名並免查叅收回被擄丁口什物給主認領所起各匪器械分別銷燬變解各寨被擾逃散夷民現已招回復業被燒房屋亦經各該土司逐一查明分別撫卹傷亡土舍練丁容俟查明另行咨部請卹所有此次支發練費鹽糧爲數無多由永昌等府州縣自行捐辦邀免造冊報銷除全案供招咨部查核外謹將獲犯審明定擬及情重各犯就地正法緣由恭摺具

奏並另繕犯名清單敬呈

御覽伏祈

皇上聖鑒敕部核覆施行再此次滋事匪犯已勦除殆盡惟此等野匪蠻性無常防守必須加密臣等現飭大

理永昌麗江三府於各土司要隘地方添設卡房雇練

駐守立定章程永遠遵辦以期聲息相通有備無患合

併陳明謹

奏咸豐元年十一月十四日奏奉

硃批刑部議奏單併發欽此

摺辦粵匪摺

奏爲恭陳雲南防堵情形並摃獲越境滋擾之粵匪嚴

行懲辦邊境現俱靜謐緣由恭摺

奏祈

聖鑒事竊雲南界粵各邊隘防堵嚴密自閏八月以來賊蹤漸遠地方均極安靖臣等仍不時嚴飭在事各文武督率員弁兵練按期操演多設偵探時時戒嚴而廣南府一帶尤爲喫緊今歲秋稼刈穫後瘴氣較盛弁兵練勇多有物故染病者均隨時募補調換以期有備無患茲據署廣南府劉禧祖署廣南營叅將明慶會同委員陸涼州知州馬宏圖署督標中軍副將豐伸稟稱十月二十八日探有粵匪竄入廣南府東界之渭港寨自

羊寨一帶滋擾卽經派駐畢街游巡之候補府經歷許  
濂督標外委馬兆祥率帶兵練並號召鄉團飛往迎捕  
衆將明慶聞信亦就近率同防弁張秉元馮世興姚炳  
等帶兵馳赴會勦二十九日早間齊至白羊寨地方該  
匪等正在蜂擁進村見兵練會集猶敢執持火槍器械  
拒捕經員弁兵練併力攻殺當場殲斃賊匪五名拏獲  
羅卜貫陸卜闢陸卜唵農亞蓋陸亞勇羅卜殊黃亞奉  
韋卜省陸矣山九名奪獲火鎗五桿長矛鏢刀十七件  
簾帽四頂餘匪紛紛潰逃兵練直前追殺越嶺踰山追  
至十餘里外又生擒陸亞淵陸亞居羅卜其陸亞風等

四名鎗斃六名其被追跌崖身斃者約二十餘人餘匪已零星竄回粵界瞭望不見卽經該文武押帶現犯同城陸矣由一犯在途因傷身故餘犯十二名經署廣南府劉禧祖督同署寶甯縣張樹種連夜熬審據供均係廣西陽萬土州屬汪村更覓村等處人係羅卜貫起意爲首糾約一百餘人擬來雲南邊界搶劫各寨十月二十八日甫至渭巷寨搶得些食物銅錢二十九日往白羊寨正欲搜搶卽被兵練會勦拏獲等語並究出羅卜貫陸卜鬧陸卜唵農亞蓋陸亞淵五名先於本年春間曾攻打西林縣城搶殺一次又究出陸亞勇羅卜殊黃

亞奉韋卜省四名均屢在粵西漾沖河及各村寨搶掠客船居戶多次餘犯訊無別案所有渭巷寨失贓無多白羊寨並未失贓均未傷人現在地方安堵如常等情錄供稟報前來臣等查粵西此等土匪旋滅旋起雖與大股會匪無涉然股匪一日不除土匪一日不靖必須就案嚴辦庶資懲創而遏盜風經臣等批飭該署府等再行研訊明確卽就地正法並戮取格斃傷斃各犯首級一併梟示以昭炯戒除咨明

欽差大臣暨廣西撫臣查照外臣等仍嚴飭各處文武慎密操防不得絲毫鬆懈所有現在防堵情形及獲賊

訊辦緣由謹恭摺具

奏伏乞

皇上聖鑒謹

奏咸豐元年十二月十九日奏奉

硃批知道了欽此

嚴懲黔省盜風片

再黔省鄰粵各邊界現距賊蹤較遠地方均極安謐

臣

仍不時檄飭辦理防堵之責東道周作楫及在事文武

各員嚴切提撕不任絲毫鬆勁至黔省腹地盜風總未

肅清各屬搶劫之案仍所時有

臣

自到任後卽嚴飭各

屬講求捕務並責成編查保甲定章巡哨凡報獲盜案  
每再四駁令從實從嚴懲辦不准化大爲小有意消弭  
惟黔中吏習積疲已久數月以來其深知警懼力圖振  
作者約得十之五六現在臣與署撫臣呂佺孫時時函  
商遇案窮追不破獲不已案旣破獲必核實從重究懲  
力矯粉飾縱弛習氣以期盜風斂戢儻查有仍前泄沓  
之員卽當據實嚴叅斷不敢稍事姑容致滋貽誤所有  
黔省防堵及弭盜大概情形理合附片奏

聞伏乞

聖鑒謹

奏咸豐二年三月二十四日奉

硃批覽欽此

拏辦沙儂各匪摺

奏爲滇省各屬印委員弁陸續查拏粵西西林縣上年  
攻陷城池賊首賊夥並沙儂各匪先後計獲犯共三百  
五十七名均經訊明正法梟示現在仍飭隨時偵捕謹  
將已辦各犯彙案恭摺奏

聞仰祈

聖鑒事竊照滇省廣南府境之西北廣西州屬邱北縣  
之南境均與粵西之西隆州西林縣交界防堵最關緊

要上年粵匪迭次竄入廣南府屬之者孟寨者意寨渭  
卷寨白羊寨等處意圖滋擾節據在防文武董率堵勦  
格斃生擒多犯盡法懲辦均經臣等先後

臣

奏明在案數月以來邊界尙屬安謐惟臣等訪查粵省  
上年西林縣城失守之時股匪甚多而其爲首之大頭  
目係西林縣陸大陸二陸三弟兄三人現在陸大改名  
王幅陸二改名王富陸三改名王三該弟兄三人同惡  
相濟上年三月間糾聚粵匪並勾結滇省之沙儂等匪  
千數百人攻陷西林縣城搶劫官民財物肆無忌憚自  
此以後復時時搶劫村寨焚殺姦淫無所不至其沙儂

各匪有擁贓回滇者亦仍有潛伏在粵者若不設法搜

捕爲害滋甚卽經臣等函商現駐南太勦辦股匪之廣

西藩司勞崇光彼此約會兜捕一面嚴飭廣南府廣西

州邱北縣在防文武暨相近之開化府屬一體設法偵

緝並因現駐廣南防堵之署督標遊擊陳得功係邱北

縣人於各夷酋情形最熟特札調赴邱北一帶專司查

辦復調迤東道潘楷馳赴廣西州就近調度去訖節據

署廣南府劉禧祖會同署廣南營叅將明慶委員署督

標副將豐伸陸涼州知州馬宏圖等先後稟稱督率員

弁兵練在滇粵交界邊境並徑赴粵界或購線密緝或

兵練圍捕除當場格斃不計外所獲現犯計共六十七  
名又據前代理開化府劉邵高暨開化鎮總兵塔清阿  
署開化府李榮燦先後稟稱督率文武員弁隨時偵捕  
除當場格斃外計共陸續獲犯四十七名又據專委查  
辦各曹匪徒之署督標遊擊陳得功會同文委員署邱  
北縣知縣金臺先後稟稱遵奉檄委雇募民練數百名  
約同各處在防文武兵練或團寨撲捕或設法誘擒或  
責令頭人縛獻計陸續共獲匪犯二百四十三名並據  
各該員錄取切供開摺呈核前來臣等就各犯供詞逐  
加察核其獵悍兇殘既勢同蜂蠻亦性甚豺狼稔惡稽

誅均屬法無可貸其由廣南開化二府屬報獲者卽飭該府知府覆訊明確恭請

令箭就地正法梟示其由查辦各曹匪徒之文武委員報獲者卽批飭廸東道潘楷就地提訊明確亦請

令正法梟示以彰

國憲而快人心至現辦各犯係截至本年正月報獲爲止其逸犯恐尙不少卽爲首之巨憝陸三經滇省捕斬聞陸二亦由粵省獲得而陸大尙在逋誅臣等仍嚴飭

各該文武不遺餘力隨時偵探密捕務期盡絕根株以

免滋蔓除咨

欽差大臣廣西撫

臣查照外

臣等謹彙案恭摺具

奏並另繕犯名供略清單三扣敬呈

御覽伏乞

皇上聖鑒謹

奏咸豐二年三月十六日奏奉

硃批知道了欽此